



ՍՄԲԱՏ ՍԱՐԿԱՎԱԳ ԱՐԻՍՏԱԿԵՍՅԱՆ

«ԲԱՐԵՆՈՍՈՒԹՅԱՄԲ ՍՈՒՐԲ ԱՍՏՎԱԾԱԾՆԻ»
(Տոն Վերափոխման)

Քրիստոսի Եկեղեցին և բովանդակ քրիստոնյա աշխարհը ս. Կույսը նկատում է որպես կյանքը նորոգող, կյանքին անմահություն պարգևող կենսունակ ակնաղբյուր:

Նա է մեր բոլորի Մայրը:

Նա է մեր քաղցր ու բարեգութ պաշտպանը, մեր բարեխոսն ու մխիթարիչը:

Այդ է պատճառը, որ Քրիստոսի Եկեղեցին մի քանի տոներով անմահացրել է նրա խնկաբույր հիշատակը:

Եկեղեցու անդամները նրան նկատելով որպես գորովագութ Մայր, նրա՛ն են հանձնում իրենց հոգսերն ու կարիքները, ցավերն ու ուրախությունները. «Ի քեզ եմք ապաւինեալ, Քրիստոսի Մայր Աստուծոյ մերոյ: Որ քան պերկինս բարձրագոյն Մարիամ, պարծանք Եկեղեցոյ, Քրիստոսի Մայր Աստուծոյ մերոյ: Որ քան վարեգակն պայծառագոյն Մարիամ, մի՛ դադարիր բարեխօսել վասն մեր, Քրիստոսի Մայր Աստուծոյ մերոյ» (Շարակնոց):

Հայ Առաքելական Եկեղեցին տոնախմբում է ս. Աստվածածնի հետևյալ տոները. ա) Հղություն, բ) Ծնունդ, գ) Ընծայումն ի տաճար, դ) Ավետում, ե) Վերափոխում, զ) Գյուտ գոտվո, է) Գյուտ տփո:

«Ս. Կուսին անձը, իբրեւ գերպանց միջոց փրկագործութեան, անբաժան է Յիսուսի փրկական տնօրինութիւններէն¹: Այս պատճառով սկզբից նեթ Ուղղափառ Եկեղեցին մեծարում է նրա հիշատակը:

Վերափոխման տոնը Հայ Եկեղեցին տոնախմբում է օգոստոսի 15-ի մերձավոր կիրակին, այնուհետև ինն օր երկարաձգում տոնի շարունակությունը:

Նախաստեղծները, Աստուծո հրամանին անհնազանդ գտնվելով, կորցրեցին ամեն ինչ: Նրանք զրկվեցին Աստուծո երանացուցիչ տեսությունից: Այս ահալոր անեծքը տարածվեց Ադամի սերնդի վրա ամբողջովին: Բայց Աստված մարդկությանը այս ծանր մեղքի կապանքից ազատելու համար, իր անհուն ողորմածությամբ, աշխարհ ուղարկեց² իր Միածին Որդուն, որը, ըստ մարգարեի նախագուշակության, պետք է ծնվեր մի Կույսից. «Ահա Կույսն յղասցի եւ ծնցի որդի, եւ կոչեսցեն վանուն նորա Էմմանուել (ընդ մեզ Աստուած)³, հետևաբար Բանն Աստված ի սկզբանե իրեն մայր ընտրեց Կույս Մարիամին:

Երջանիկ Մա՛յր: Աստվածամա՛յր: Աստվածածի՛ն:

Քրիստոսի հրաշափառ Հարության և Համբարձման խորհուրդներից հետո Ս. Կույսի նշումն ու վերափոխումը ամենից հրճվալի տոնն է նկատվում քրիստոնյա աշխարհում:

Ս. Կույսի վերափոխումը հիմնականում երկու խորհուրդ է պարունակում իր մեջ. նախ՝ նրա մահը և ապա՝ վերափոխումը՝ մարմնի անապական մնալու խորհուրդը:

Կենդանության մայրը չմեռավ որպես պատիժ մեղքերի, այլ խոնարհությամբ լուծեց մահկանացու բնության պարտքը: Ընդհանրական Եկեղեցին խոստովանում է ս. Աստվածածնի մահը, բայց նրա երանելի մահը Եկեղեցվո հայրապետները որակել են զուգ գեղեցիկ բառերով՝ հանգիստ, նշում:

¹ Թորգոմ Պատրիարք՝ «Սուրբ և Տոն» Երուս. 1957, էջ 251:

² Հմմտ. Հով. 9, 16:

³ Եսայի է—14, Ասաբ Ա. 24:

Աստվածածնի մահվան մասին եղած ավանդությունը գեղեցիկ կերպով նկարագրել է Կիրակոս վարդապետ Երվակացին իր «Արեւելք գերարփին» շարականի մեջ:

Հովհաննես առաքյալի խնամքի տակ 15 տարի ապրելուց հետո Երուսաղեմ քաղաքում իր մահկանացուն է կնքում երանելի Կույսը: Առաքյալները (բացի Բարթողիմեոսից) մեծ հանդիսավորությամբ նրան թաղում են Գեթսեմանի պարտեզում: Թաղման կարգից հետո երեք օր անընդհատ նրա գերեզմանի վրա հնչում են հրեշտակային երգեր: Բարթողիմեոսը, որը ներկա չէր գտնվել թաղմանը, գալիս և խնդրում է առաքյալներին, որ բացեն գերեզմանը, որպեսզի վերջին անգամ իրեն շնորհվի Ս. Կույսին տեսնելու պատիվը: Առաքյալները բացում են գերեզմանը և, ո՛վ պարմանք, գերեզմանը թափուր են գտնում, որից և հետևցնում են, որ Կույսը որ ոչ թե մեռել, այլ՝ ննջել էր, իսկ նրա Միածին Որդին և երկրի չորս ծագերից ի մի հավաքված առաքյալները, հրեշտակների երգակցությամբ, նրան տեղափոխել էին երկինք, վերափոխել դեպի երկնային խորանը լույսի:

Վերափոխման առաջին օրվա շարականները (որոնք վերագրվում են Մովսես Խորենացուն) գեղեցիկ և պատկերավոր խոսքերով նկարագրում են խորհրդի բովանդակությունը: Բազմաթիվ երկնային ճանապարհներով թռչելով՝ հրեղեն կառքերը Տիրամոր մարմինը տեղափոխում են երկնային լուսո խորանը:

Այսօր ընդ բազմաչափ քերովբեսն
Եւ ընդ վեցթեւան սերովբեսն,
Մտանելով եօթնաստեղեան խորանսն,
Տեսանելով փանապան աթոռսն,
Չոր պատրաստեալ է քեզ տերունայդ,
Երգեմք և մեք ասելով
Օրինեալ ես՝ ամենօրինեալդ ի կանայս:
(Շարակնոց):

Իր մոտ առնելով իր մորը՝ Միածին Որդին պատվիրում է երկնային պորություններին փառաբանել նրան:

Մարիամի անապական կուսությունը և կոյս մարմնի անապականությունը, որպես անուշ բալասան, լուսավորում և շերմացնում է մարդկանց հոգիները, և ողջ մարդկությունը, հայացքն ուղղելով ս. Կույսին, աղերսում է.

— Բարեխօսեա վասն մեր ...

Մահվամբ և վերափոխմամբ երանելի ու ցանկալի թագուհին վերծ մնաց ծերության թուլություններից, որպես անբիծ շուշան չըկըրեց ապականության ախտալից հետքերը, այլ, իր Որդու հրավերով վերափոխվեց դեպի

կապույտի անսահման ոլորտները: Սիրո վեղամամբ, հոգեզմայլ հափշտակությամբ է, որ նա ընդունեց այդ հրավերը:

Գողգոթայի բարձունքին, խաչի վրա գաված Միածնի մահվան տագնապների մեջ ս. Կույսը բաժնեկից եղավ նրա մահվան: Նա նույնպես քամեց Գողգոթայի դառնահեծ մահվան բաժակը և այնտեղ մարտիրոսացավ:

Աստված Մարիամի միջոցով երկնքից երկիր բերեց Բանն Աստված, իսկ Որդին Միածին՝ երկրից երկինք տեղափոխեց իր մորը՝ ս. Կույսին:

Մեծ է Մարիամի աստվածասիրությունը: Վերափոխմամբ նա մի պահ դադարում է մայր լինելուց, վեր է բարձրանում պարզ որդեսիրությունից և ամբողջապես ընկղմվում աստվածասիրության անհունի մեջ: Ինչպիսի՜ աստվածագացողություն...

Միածին Որդին գերեզմանից հարություն առնելուց հետո՝ թույլ չի տալիս, որ ապականությունը տիրի Կույսի Մարմնին⁴:

Անկարելի էր, որ Կույսի սրբալնասուրբ մարմինը մատնվեր անպաշտության, անկենդանության և ապականության. «Ոչ թողցես փանձն իմ ի դժոխս, եւ ոչ տացես Սրբոյ քում տեսանել զապականութիւնս»⁵:

Անկարելի էր, որովհետև «վանապական Կոյսն» Միածին Որդուն «մաքուր կաթամբ կերակրեաց», ուստի Տերը Կույսին վերափոխեց «յերկնայինսն յաստուածակերտ խորանս և յանպատում ի կեանս»...

Ս. Կույսը վերափոխվեց՝ հաղորդակից դառնալու աստվածային փառքին:

Հիմուս հարություն պարգևելով Կույսին, նրան միացնելով իր հոգուն՝ սլացավ դեպի երկնային թագավորության սահմանները:

Ավետարանը չի մատնանշում ս. Կույսի վերափոխման դավանությունը, «թե՛ն ամենահին ժամանակներեն կար անոր մտածումը՝ ս. Կույսին ձոնված բանաստեղծական և խորհրդաբանական գրվածքներուն մեջ, բայց անոր իբր վարդապետություն ընդունվիլը առ նվազն Թ և առ առավելն ԺԲ դարերուն էր միայն, որ կատարվեցավ, տոնը ևս կոչվելով այդ մտոք՝ վերափոխում»⁶:

Վերափոխման տոնը ավելի վաղ, չորրորդ դարում է տեղի ունեցել: Այն ճոխացվել է ս. Սահակ հայրապետի և Մովսես Խորենացու միջոցով և ապա Գրիգոր Նարեկացու աղոթքներով և Ներսես Շնորհալու ու Ներսես

⁴ Հմմ. Գործք. Բ, 24—27, և Սղմ. ԺԵ, 10:

⁵ Սաղմ. Ճ և Ա—8:

⁶ Սաղմ. ԺԵ—10, Գործք Բ.—27:

⁷ «Սուրբք և Տոնք», էջ 255:

Լամբրոնացու կարգադրություններով փառավորվել:

Աստվածածնի Վերափոխման տոնին, Հայ Եկեղեցում պահպանված ավանդության համաձայն, տեղի է ունենում խաղողի օրհնություն: Խաղողի առաջին ողկույվները նկատվում են տաշվա պտուղների երախայրիքը: Հրեաների սովորության համաձայն, Մովսեսի միջոցով տարվա պտուղների երախայրիքը ընծա էր տրվում Տիրոջը՝ վկայության խորանի վրա: «Պատուեալ զՏէր ի քոց արդար վաստակոց, եւ հան նմա պտուղ ի քոց արդարութեան արմտեաց, զի լցցին շտեմաբանք քո լիութեամբ ցորենոյ, եւ գինեաւ հնձանք քո առաւել եւս բղխեսցեն»⁸:

Խաղողը համարվում է դաշտերի ազնվագույն պտուղը, ինչպես որ Հիսուս համարվում է Աստվածածնի օրհնեալ պտուղը. «Օրհնեալ ես դու ի կանայս, և օրհնեալ է պտուղ որովայնի քո»⁹: Չէ՞ որ Տերը վերնատան մեջ խաղողի հյութից պատրաստեց վերջին ընթրիքը¹⁰ իբրեւ նշան իր սուրբ արյան:

Ստորև ներկայացնում ենք սուրբ Ներսես Շնորհալի հայրապետի խաղողի օրհնության աղոթքը Ս. Սիոն արքեպիսկոպոս Մանուկյանի աշխարհաբար թարգմանությամբ:

**ԱՂՈԹՔ ՆԵՐՍԵՍ ՇՆՈՐՀԱԼԻ
ՀԱՅՐԱՊԵՏԻՆ՝ ԽԱՂՈՂԻ ՕՐՀՆՈՒԹՅԱՆ
ՀԱՄԱՐ**

Տեր Աստված, Հայր անսկիզբն, անեղ և անմահ բնություն, ինքնագո, որ ամեն ինչ ստեղծեցիր ոչինչեն և արարչագործությանդ երրորդ օրը հրամայեցիր երկրին՝ բուսցնել պանապան պտղատու տուններ և բույսեր բանավոր ու շնչավոր կենդանիներու համար, որոնց հետ դրախտին մեջ գեղեցիկ ծառեր անկեցիր բանական արարածներուդ վայելչին համար, զորս օրհնեցիր աստվածային խոսքովդ, թե Աստված տեսավ, որ բարի են հույժ, և օրհնեց զանոնք:

Եվ արդ, Տեր, նույն օրհնությամբ, որով օրհնեցիր արարածները արարչությանդ առաջին օրը, օրհնե նաև այժմ քեզի ընծայաբերված այս տարվան պտուղներուն երախայրիքը՝ խաղողի առաջին ողկույվները, ըստ ինն Ահարոնի քահանայության, վասնզի, ինչ-

պես որ հրամայեցիր Իսրայելին՝ Մովսեսի միջոցով՝ առաջին պտուղը ընծայել քեզի վկայության խորանին վրա, որպեսզի մասնավոր ընծայով բոլոր պտուղները ընդունին քո օրհնությունդ, նույնպես այս նվիրված պտուղին խառնե և միացուր քո աստվածապտուղին խառնե և միացուր օրհնությունդ, և մենք այս նյութական պտուղը ճաշակելով՝ քո օրհնությանդ իմանալի շնորհները ընդունինք մեր հոգիին մեջ՝ արժանանալով մեղքերու մաքրության և թողության: Եվ արժանի ըլլանք ճաշակելու կենաց ծառին պտուղը, զոր պահպանել հրամայեցիր բոցեղեն սուրով քերով-չեններուն: Եվ անով անմահացած՝ անմահներու դասին հետ միասին միշտ փառավորենք զԹեզ Որդիիդ և Սուրբ Հոգիիդ հետ, այժմ և միշտ և հավիտյանս, հավիտենից, ամեն:

Խաղաղություն ամենեցուն,
Աստուծոյ երկիրպագեսցուք.

Օրհնյալ ես, Որդի և բան Հոր, ճառագայթ անձառելի առաջին Լուսին, կերպարանք և պատկեր աներևույթ Աստուծո, որ ինքզինքդ կոչեցիր որթատունկ, և սիրով ու հավատքով քեզի միացածները անվանեցիր ուռ, և Հայրդ՝ մշակ: Ու խաղողի հյութեն պատրաստեցիր վերջին ընթրիքդ, իբրեւ նշանակ քո սուրբ արյանդ, զոր օրհնեցիր վերնատան մեջ ու տվիր աշակերտներուդ՝ ըսելով. «Ասիկա իմ արյունս է, որ կթափվի աշխարհի փրկության համար»:

Եվ արդ, Տեր, օրհնե քո սուրբ Տաճարիդ մեջ ընծայաբերված այս խաղողի ողկույվները և անկե ճաշակողներուա շնորհե հոգևոր և մարմնավոր առողջություն: Օրհնե նաև, Տեր, այս պտուղներու նվիրատուները և զանոնք վարձատրե անմահական պարգևներովդ: Օրհնե, Տեր, այգիներն ու որթատուկերը, որոնցմե քաղված են օրհնության համար բերված այս ողկույվները և նվիրված քո սուրբ Եկեղեցիիդ: Չանոնք պտղալից ու բազմաբեր ըրե, պարարտ ու բարեբեր սըրտերու պես, անփորձ պահե, Տեր, այգեստաններն ու դաշտերը ամեն տեսակ պատահարներե, որոնք վերեն կուգան մեր մեղքերուն համար.—կարկուտներե, եղեմնահար սառնամանիքներե, խորշակահար հովերե, վնասակար ճճիներե և միջատներե, որպեսզի արժանի ըլլանք վայելելու արքայությանդ սեղանը և փառավորենք Հայրը և Որդին և Ս. Հոգին, այժմ և միշտ և հավիտյանս, հավիտենից, ամեն:

⁸ Ամսկք. Գ—9—10:

⁹ Դով. Ա—42:

¹⁰ Ն. Շնորհալի. Աղոթք ...